



Broj:05-34-2-55-1/26
Sarajevo, 19.01.2026. godine

emina.kusturic@zastone.ba

Predmet: Odgovor, dostavlja se.-

Poštovana,

Vezano za Vaš upit dostavljen elektronskim putem sa platforme Odgovorno.st, koju provode UG Zašto ne, TI BiH i BIRN BiH, dostavljamo Vam odgovore na postavljena pitanja, kako slijedi:

1. U periodu 2025/2026 godina nije se radilo na unapređenju konkursnih procedura, pa ni u segmentu uvođenja obaveze audio-vizuelnog snimanja intervjua sa kandidatima, s obzirom da se konkursne procedure provode isključivo u skladu sa propisanim odredbama Zakona o državnoj službi u institucijama BiH, koji je lex specialis i njegovim podzakonskim aktima usklađenim sa navedenim zakonom, a kojima nije predviđeno audio-vizuelno snimanje. Unapređenje konkursnih procedura, za koje se i Agencija zalaže, zavisi od eventualnih izmjena i dopuna Zakona o državnoj službi u institucijama BiH, pod uslovom da bi bile izmijenjene odredbe koje regulišu pitanje konkursnih procedura (što zavisi od donosioca Zakona, a ne od Agencije i njenih inicijativa), a sa kojim bi se uskladili i podzakonski akti koji tretiraju ovu oblast.
2. U toku 2025. godine Agencija je poduzela aktivnosti na uspostavi registra zaposlenih u institucijama Bosne i Hercegovine, u smislu izrade podzakonskog akta, čije je donošenje u proceduri (isti je bio objavljen na platformi e-konsultacije, te su prikupljena mišljenja relevantnih institucija i sugestije koje će se, prije dostavljanja Vijeću ministara BiH, razmotriti ili uzeti u obzir i eventualno ugraditi u postojeći tekst), kao i osiguranje i organiziranje tehničkih, informatičkih i svih drugih pretpostavki za uspostavu elektronskog sistema registra zaposlenih. Rok za izvršenje ove obaveze nije istekao.
3. Mehanizmi kontrole zapošljavanja u institucijama Bosne i Hercegovine su uspostavljeni kako zakonom, tako i važećim podzakonskim aktima, s tim da se kontinuirano određeni podzakonski akti ažuriraju u smislu njihove izmjene i dopune ili donošenja novih, u zavisnosti od izmjena i dopuna lex specialis.
4. U periodu 2025/2026 godina Vijeće ministara BiH nije donijelo zvaničnu odluku o uspostavi moratorija na zapošljavanje državnih službenika i zaposlenika u institucijama BiH, pa je zapošljavanje, s obzirom na postojanje privremenog finansiranja u toku 2025. godine, zavisilo od odobrenih budžetskih sredstava za svaku instituciju.

S poštovanjem,

Dostavljeno:

- naslovu
- a/a

RAVNATELJICA
Anita Markić

